

Nuorttanaste

»Gæca dam Ibmel labba,
gutte mailme suddo guoddal!»

»Son dagai rafhe su ruosa
varai bokte.»

No. 8.

10ad jakkegærdde.

»Nuorttanaste« maksa ovta kruvna jakkoda
gast, blaðde dinggjuvvu juokke poasta-
rappe lutte.

30ad April 1908.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Rokkadusa birra.

(Čai okta engelas olmai, gæn namma læ
R. A. Torrey).

Efesalažai girje 6ad kapitalest
ja 18ad vørsast lokkap mi muttom
sanid, mak čielggaset ja duođalažat
dollek ouddan min ouddi rokkadusa
darbašvuoda. Dak sanek čugjek naft:

»Rokkadaladedin juokke aige
Vuoiqast buok rokkadusain ja adno-
min, gocišen dam fidnoi buok bisovaš-
vuodain ja rokkadusain buok basse
olbmui oudast.« Go mi čuožastep daid
sani ouddi jurdašet ja merkkip mai-
dai daid sanid, mak oudabælde læk,
de mi, jos mi læp bajasčuvvggijuvvum
Ibmel manak, dovddap darbašvuoda
čelkket: »Mon ferttim rokkadallat,
rokkadallat! — Mon fortim obba mu
vaimostam ja buok mu navcaidam
bigjat rokkadusa sisa. Buok oudemu-
sta ferttim mon rokkadallat.« Mærkaš
daid sanid: buok, buokai ja juok-
ke aige: »Buok rokkadusain,«
»juokke aige,« »bisovašvuod-
ain.« Mærkaš maidai dam sane
»gocišen,« gociš læ daggar, gutte
i oadestuva. Paulus dovđai dam ol-
mušlaš luondo šliedasvuoda — ja eri-
noamačet šliedasvuoda rokkadussi
Man harvve dadde læ, atte mi rokka-
dallap dassači go min rokkadus gullu-
juvvu. Davja dpatuvva, atte okta
sčervvegode ja maidai okta olmuš
rokkadalla dassači go muodost muttoi
čuožžo rokkadusa gullujumin, ja de
luoitta son dam mannat — nisteta
dam buristsivdnadusa, maid son læi
rokkadallam aldsesis. Mon savam, at-
te dak sanek: »Leket gocišak rokka-
dusa siste« šaddašegje buollen din
vaimoi stste.

Mutto manditi læ dat hæitekæt-

tes daihe bisovaš rokkadus darbašlaš?

1. Vuost damditi go læ okta bær-
galak.

Son læ viekes, son læ fämolaš,
son i vuoiqad goassege. Alelassi barg-
ga son dam ala, atte Ibmel manaid
jorralussi oazžot, ja Ibmel manna
šliedda rokkadusast, de dalle sielo va-
šalaš su gielaidasas oazžo. Dat dat
læge, maid apostal oavelda, go son
12ad vørsast čelkka: »Dastgo mist i
læk soatte oazje ja varai vuostai, mut-
to oavvamužai vuostai, famoi vuostai,
mailne hærrai vuostai, guđek radđijek
dam aige sševdnjadasa siste, bahavuoda
vuoiqalaš vægai vuostai alme vuol-
de.« Ja de boatta dat 13ad vørsasa,
mi čuogja naft: »Valddet damditi Ib-
mel olles værjoid bagjelasadek, vai di
væjašidek vuostaičuožžot baha bæive
ja bissot, go di lepet ollašuttam buok.«
Dastmanjel muittala apostal dai sier-
ranas osi birra kristalažai værjoin,
maid mi galggap bagjelasamek vald-
det, vai mi čevcep bærgalaga ja su
væga vuostai, ja manemusta čoagga
Paulus su jurdaraidos dam 18. vørs-
sast, gost son čelkka, atte buok daidi,
maid son læ namatam, ferte rokkad-
us boattet — hæitekættes, vaimolaš
ja gocevaš rokkadus Bassevuoiqas si-
ste, jos dat i boade, de læ buok dat
ærage duššas.

2. Nubbadassi, mi berrip hæite-
kætta rokkadallat damditi go rokkus
læ dat Ibmelest mæreduvvum gæid-
no buristsivdnadussi.

Apostal Jakob ouddandoalla dam
čielggaset su girjestes dam 4ad kap.
2 vørsast, gost son čelkka: »Dist i
læk damditi go di epet rokkadala.« —
Igo dat læk duofta? Igo læk rokkus
vaillevuotta aššen kristalažai varnotes-
vutti ja famotesvutti.

»Moft matta læt,« jerrek ædnag

kristalažak, »atte mon nuft uccan-oud-
danam mu vuoiqalaš ællemam siste?«

Ibmela vastadus læ: »Rokkadus
vaillo; dist i læk, dainago di epet rok-
kadala.«

»Moft matta dadde læt,« jerrek
manga sardnedægje, »go im oaine
æmbo šaddoid mu bargostam?«

Ibmela vastadus læ fast: Rokka-
dus vaillo. »Dist i læk, damditigo di
epet rokkadala.«

»Mi læ sivvan dasa,« jerrek sik-
ke papak ja sčervvegodek, »go i læk
Ibmela sčervvegodest stuoreb fabmo
suddo ja æppeosko bagjel mailmest?
Manditi čuožžo dat nuft famotæbmei
aige bahavuoda bagjel?«

Ibmel fast vasteda: »Dist i læk,
damditi go di epet rokkadala.«

3. Gøalmadassi. Mi berrip rokka-
dallat Ibmeli, damditi go dak olbma,
gæid Kristus læ minstaren migjidi
bigjam mailmai — apostalak —
adne rokkadusa danen buok stuore-
mus ja mavsolæmus dakkamuššan
dam mailmest.

Go dat alnlassi lassanægje ou-
dastvastadus dai vuostas kristalaš sčerv-
vegodei oudast dego vællani apostali
ala, ravkke si mattajæggi olles joavko
čoačkai ja čelkke: »I dat heivve, atte
mi hæittep Ibmel sane balvvalam diti
bevdi lutte. Gæčadeket damditi, viel-
jak ječaidædek gaskast čieča olbma,
gæina læ buorre duodaštus ja guđek
læk dievva Bassevuoiqast ja visesvuod-
ast, gæid mi oazžop asatet dam fid-
noi. Mutto mi aiggop orrot bisovaž-
žan rokkadallama ja sane balvvalusa
siste.« (Ap. dag. 6, 2—4.) Čielgga-
set læ apostal Paulus čallam sčervve-
godei ja daidi manga sierranas per-
sovnai rokkadusa birra. Buok dak
olbma ja nissonak Ibmel sčervvegode-
st, gæi luodain dabe ædnam alde

mærkak læk baccain, læk læmaš rok-
kadusa olbmak ja nissonak. Ædnag
dingai dafhost læk si læmaš moadde-
lagačak, mutto dam ašest læk si buo-
kak læmaš guđek guoimesek laganak.

Mutto læ vela okta stuoreb ašše,
manditi mi hæitekætta vaimolažat
berrip rokkadallat, ja dat læ

4. njäljadassi, **atte bæstamek Je-
sus Kristus rokkadalai davja.** Loga
Mark. 1, 35. »Ja arrad, go ain læi
sevdnjis igja, likkai son bajas, manai
olguš ja manai muttom avdden baik-
kai ja rokkadalai dobbe.« — Bæive
ouddal læi sust læmaš ollo dakkamuš
ja garra barggo; mutto almaken oane-
di son su vuoinadamaiges, likkai arrad
bajas ja čajeta daggo bokte, atte son
adna rokkadusa æmbo darbašlažžan
go nakkara. Go mi dasto jorgetep
Luk. 6, 12, de lokkap mi: »Mutto
de dpatuvai daina beivin, atte son
manai olguš varrai rokkadallat; ja
mietta ija læi son rokkadallamen Ib-
melin.« Bæstamek læi rokkusa olmai,
ja dat olmai ja nisson, gutte i suite
vehašge aige rokkadussi, i mate duot-
tavuodast læt Kristusa maņestčuoovvo.

5. **Rokkadus læ maidai okta stuo-
ra oasse min bajasčuožželam Hær-
ramek fidnost.**

Kristusa dakko min oudast i loa-
patuvvum su jabmemin. Dalle loapa-
tuvvui su soabatusdakko; mutto go son
bajasmanai albmai ja čokkani Ibmel
olgiš-gieda bællai, manai son ovta da-
go sisa, mi læ lika mavsolaš migjidi
go su soabatusbarggo. Dam birra lok-
kap mi Ebr. 7, 25 navt: »Manditi
son maidai matta ollaset dakkat sin
audogassan, guđek bottek Ibmel lusa
su bokte, dađemielde go son ælla sin
oudast ouddanloidastet.« Dat værssa
muittala migjidi, atte Jesus nagada
bæstet i aivestassi olgomuš ravdai ra-
jest, mutto mutto maidai olgomuš rav-
dai ragjai — gidda olgomuš ollesvuo-
đa grada ragjai, — i aivestassi dam-
diti go son jami, mutto maidai dam-
diti go son ælla. Ja dat værssa muitt-
tala maidai migjidi, manditi son ælla,
namalassi damditi, atte ouddanloida-
stet min oudast — oudastrokkadusa
dakkat — min oudast. Rokkadus læ
oaivve sistdoalatus Kristusa dagost
min diti dai beivi siste. Su rokkadu-
sas bokte læ dat, atte son bæsta min.

Dat sæmma jurda ouddanbatta
maidai Paulusa mærkalaš sanin Rom.
8, 34, gost čuožžo navt: »Gi læ dat,
gutte dubme. Kristus læ dat, gutte

læ jabman, ja vela sagga æmbo, gut-
te læ bajasčuožaldattuvvum, gutte
maidai læ Ibmel olgiš-gieda bælle, gut-
te maidai ouddanloidasta min oudast.«

Jos mi særvevuoda aiggop ad-
net Jesusin su dalaš aige bargost, de
ferttep mi ollo rokkadallat; mi ferttep
ječaidemek vihatet hæitekættes, siskal-
das, gocevaš ja vuoittevaš rokkadussi.
Mon im dieđe maidege, mi mu nuft
ollo læ viggatam bisovažat rokkadu-
sast bissot go dat jurda, atte dat læ
mu Hærram ja bæstam barggo dam
aigest. Mon halidam særvevuoda
suina adnet, ja damditi læm mon rok-
kadallam alinalaš ačestam, atte manen
son ain aigoš mu adnet, mon almaken
oudastrokkadallen bisošim, ja atte mon
ožušim læt olmajen, gutte dovdda
rokkadusa čiegosvuoda, ja gutte ollo
aige adna rokkadusast.

Dat oudastrokkadusa balvvalus
læ hærvas ja dugjo ollo, ja dat læ ok-
ta stuora likko, atte mi buokak mat-
tep šaddat servolažak dasa. Dat ol-
mai ja nisson, gutte dovdo gæčeld læ
sirrijuvvum oskolažai čoağgalmasain,
matta maidai særvat dasa. Dat dili-
tes dalo-čemed ja dat bivtasbasse nis-
son, gutte fidnem diti bæivalaš laibes
ferte čuožžot juokke bæive su bas-
samstampas guoras — matteba sægo-
tet rokkadusaidæsga basse olbmiguim,
soai matteba rokkadallat sodno papas-
ga oudast, dai surotemi oudast ja ba-
kenmiššon oudast, soai matteba dam
dakkat alma spilletaga sikke čace ja
saibo. Dat dilates bargolaš gavppeol-
mai satta maidai læt servolaš dast.

Mutto jos mi galgap armo oaž-
žot ællet dam lakai rokkadusa vuoiņa
ja armo vuolde, de mi darbašep mut-
tom boddoi valddet rokkaduskamma-
rest almalaš aččamek lutte.

Ibmel — olmuš.

Joh. 1: 1—4

(Sisasaddijuvvum).

(Lasse oudeb bittai 6ad nummarest).

Dam aidnoriegadam gudne oid-
nek si, guđek æi læk varast, æige oa-
že datost, æige maidai olbma datost.
Mutto Ibmelest rieğadam læk. Dak
legje guokte nubbe lokkai, dak legje
čieča loge, dak legje æmbo go vitta
čuođe.

Si oidne Jesusa gudne čednag
famolaš dagoin, hærvvasmattujume
varest, bajasčuožželæmest, albmai ba-

jasmannamest, Kanan sidaid ja gav-
pugi čađa vagjoleidin ožžu si gaskota-
gaid oainet Jesusa gudne. Si ožžu
gullat Jesusa čabba sanid, arbmo sa-
nid duottavuoda sanid ja vaibmo sa-
nid, almalaš ačē rakis dærvuodaid en-
gelid assamsajin migjidi suddolažaidi.
Si ožžu gæčadet daid muođoid, maid
Abraham ja profetak legje haliduv-
vam oaidnet. Si ožžu gæčadet daid
čalmidi, maina arbmo ja rakisvuotta
bagjel lundolaža suonjarda.

Mutto ale don lokke gadaš apo-
stal stuora vuoiggadvuodaid. Dastgo
audogasak læk dak, guđek æi oaine ja
goitge oskok. Go don luoittadak čib-
bidad ala buokvægalaža ouddi, de oa-
žok oaidnet su gudne. Go don okta-
naga osko vieljaiguim ja oabaiguim
bajedak gitoslavllaga allagvutti, dalle
ravastak don almi ouddaloavddag ja
oainak aidnoriegadam gudne. Go don
oainak Jesusa varran jabmem givsi si-
ste Getsemanest daihe Golgathast, vai
don okti kruvneduvvušik, dalle oainak
aidnoriegadam gudne oktanaga apo-
stalin. Go osko siste oainak Jesusa
cuvkkemen jabmema lakkid ja man-
namen bajas ačē lusa dudnji saje ra-
kadet; oainak su Jordan dædnogaddest
vuorddemen du vuoitto-matke, morraš,
givse ja gadnjali ædnamest agalaš
rafhe ædnami, dalle oainak Jesusa
gudne. Go don juokke bæive gæča-
dak su sivvades vagjolusa, su værdde-
mættom armo, su rajetes rakisvuoda,
su nana oskaldesvuoda, de dalle čuoğ-
ja duge jiedna čabba soavalašvuoda
siste oktanaga apostal ramadusain:
»Mi oinimek su gudne nuftgo aidno-
barne gudne Ačest dievva devddujuv-
vum armoim ja duottavuodain.«

Per Helander Polmak.

Stuibme Mehavnast.

Mehavnast læ gieskad læmaš
stuibme fiskar nuorragærde gaskast.
Okta gavppeolmai Øvre Tanast læi ra-
kadam dansimviste — muttom skag-
jalagan, vai makku nuorragærde dast
bæssa havskudallat, go i læm dalkke
mæra ala. Dam viste laiggoti son mut-
tom skuespillari*), gutte juokke æk-
ked, go i læm dalkke mæra ala, doa-
lai dast su čajatusaides ja dagai su
koanstaides. Vissa læk fiskargandak
boattam fuomašet, atte dak suottasak
dam vistest garttagotte divrasen sigji-
di, damditi servve si dam siettatussi
atte eritvalddet dam snuoggasam sin

balgga alde, ja muttom ækked, go mi læimek »Fiskarhjemmast» čokkamen, gulaimek mi hirbmos hurračuorvasid, ja go mi bođimek olgus, de oinimek balggai dievva olbmui, ænaš oasse legje nuorra olbmak 14 jage rajest 25 jage ragjai.

Mehavna 2 politia bođiga dasa ja gæččalæiga stivra doallat; mutto maidbe 30 olbma vuostai. Sodnoidi celkkujuvvui: »Manne sidi, æp mi darbaš dodno deiki dal.»

Hurračuorvvoma vuolde bakki-jegje nuft ædnagak dam vistai, atte čužžo dobbe nuft bakka go læi vejolaš, ja mi, gæk olgobalde čuožoimek, oinimek, moft dat asehaš fiellosaimek sojadegje olgus sisa, daihe buogon šaddai duoggo daggo. Dak olgobelde-čužžo væitalasak algge smavaset gaidkodet skielttarid ja ovta nubbe mañest dogje daina bælemieskam fielloin. Juokke fiello mañest, mi gaskat ruošketi, čuovoi hurračuorvas.

Go buok dat læi doaimatuvvumen, bođi ješ Øvre gæččat færrana. Son oini muttom ganda giettaguššamen daid fielloseinid, ja de doppi son dam ganda gidda, ja læi vissa jurda aresterit su. Mutto de valdi albmug Øvre gidda, besti ganda sust erit ja hurračuorvasi vuolde dolvvo su balgga mielde vuolas ja balkestegje su ječas viste uksalasa siskabællai.

Dat koanstaid čajetægje olnai fertti diettalas hæittet, ige vissa ane son čajeteme Mehavnast dam gidda šat; dastgo dat skagja gaidkoduvvui dam muddoi, atte dat i sate manenge adnujuvvut.

Sæmma ækked telegraferijuvvui Vargaidi soattedampa »Heimdal» oažžom diti Mehavdni, ja dat bođi nubbe iđđed, mutto dalle i læm mikkege stuimid.

Politiak læk gæččalam namaid oažžot daina, gæk dam stuime oudast-olbmak legje, ja okta forhøra læ maidai adnujuvvum. Mutto dam ragjai i læk dat maidege avkotam; dastgo i oktage fiskargandain adde guoimes albma.

Dat oktasaš arvvalus dai boarrasæbbo fiskari gaskast læ, atte buok daggar joavddelas fidnok fiskoværain, mak fillejek nuorragærde ruđasek skittardet, æi galgaši lobe oažžot boattet, dak galgašegje laga bokte gilddujuvvut; mutto ædnagak legje vuostai dam, atte vækkavaldalažat erit daggar din-

gaid valddet; dastgo i vækkavaldalaš-vuođa bokte, mutto laga bokte mia ædnam bajashuksijuvvu.

Korporalskuvla

birra Čacesullost čallujuvvu dal min rika blađin obba arvad, dauiditi go dat galgga læt ila divras rakkanus, go geččujuvvu dam avke bællai, maid dat dakka.

Korporalskuvla Čacesullost asatuvvui jagest 1901. Dam mærradus daihe aiggomuš læi oapatet korporalaid Sameædnam soaldatjuogoidi, ja skuvla stivra bigjujuvvui Varanger kredskompani šæffa, kaptein Müller gitti. Son šaddai dam lakai skuvla vuostas šæffa, ja su aigest læi buorre sokin skuvlai, ja buok læi nuftgo galgai. Mutto de buoccai kaptein Müller, ja dam skuvla stivrijubme addujuvvui vuost oanekaš aiggai præmierloitnant Aavatsmarki ja mañnel præmierloitnant Øyeni. Kaptein Müller fertti mañasassi buocalvasvuođa diti æro valddet, ja su mañestčuovvon namatuvvui kaptein Knausen, gutte dal læ skuvla oaivvamuš.

Skuvlaocci lokko læ dam rajest, go dat ođđa šæffa bođi uccañam æmbo ja æmbo, ja dal æi læk æmbo go 3 ganda — 2 Dača ja 1 Sabmelaš — obbanassi skuvlast. Dam golma gandast æi læk uccebo go 5 oapatægje. Dam skuvlai golla jakkasažat 13,000 kruvna, juokke ganda oapatuš šadda dam lakai makset kr. 4000,00. Datbe orro læme bære divras rakkanus. Juogoson dat farga i divvojuvvu.

Ruošaædnamest

læk gieskad læmaš hirbmos čaccedulvek. Jogak læk manga saje bagjel ravdaid mannam ja stuora likkotesvuođaid dakkam. Uralast læk 900 viste čæce vuolde ja Smolenskas 350. Daggo birrasin læ ædnag gordne ja šivetak duššam. Maidai Kjewast læ okta stuora gavpugoasse bigjum čæce vuollai. Moskvagavpugest læ arvo mielde $\frac{1}{3}$ čæce vuolde, 3000 viste ja 50,000 asse læk dæivatallam dam dulvvai.

Englanda gonagas

Edvard ja su dronnig læba dal fidnam Kristianiast, gost soai diedostge vuostaivalddujuvvuiga stuora činain ja hærvasvuođain. Okta olmai sorbmijuvvui plævggastaggo ceggima vuolde. Staggo gačai vuolas, časki olbma jamas.

Okta olmušsorbmim-særvve

læ asatuvvum muttom baikest Ruošaædnamest, telegraferijuvvu Petersborgast. Dam særve lokko læ 2000 olbma. Dak baikotagai læk stajedam ja sorbmim manga čuođe olbmu. Issoras dille læ Ruošaædnamest.

Mailne ruoidnasæmas lukkarpoasta galgga læt Gamavuonast, Dalbmeluovta suokanest, čalla »Tromsapoasta.« Dat lukkar rieppo vaiddala ovta Finmarko avisast, atte su lukkarbalkka læ kr. 40,00 jagast. Boattem diti giikoi, gost dolujuvvuiek 13 ibmelbalvavalusa jagest, ferite son makset juokke have kr. 4,00 satoruđa, dat gartta okti kr. 52,00 jakkasažat. Dam rekeg mielde šadda lukkar makset kr. 12,00 jagest su lukkar-ammates oudast. I læk imaš, atte olmai ješ jærra: »Gavnugo son daggar lukkarpoasta mailmest?« Mutto dal læge arvvalusa vuolde lukkarpoastai hæittet.

Olggoædnamiš bivddek.

Garraset vaiddaluvvu Sameædnamest, atte dak olggoædnamiš nuftgoččujuvvum trawlarak goaredek mara ja bivddoværkaid. Trawlarak læk daggar bivddodampak, mak hirbmos stuora strænggasækaiguim balddek gulid mara bodnest. Dak sækak vuogjoduvvujek bodnai, ja damppa daid fæsta mañestes bodne mielde. Ja fidne diettalas gulid æmbo go buok æra bivddoværkak. Ordførar Gundersen Vargain læ telegraferim stuoradiggai ja vaiddam daid olggoædnamiš trawlarid maidai dauiditi go si bivddek ila lakka gadde. Fiskarak maidai bivddek stuoradigge juogamaid dakkat, vai olggoædnamišak hettijuvvujek sin vahagatte fidnostæsek. Arvvaluvvu maidai, atte okta opsynadamppa læ ila uccañ, manditi berre sadijuvvut vela nubbe. Gavppedepartementa læ dallanaga alggam dam aše dutkat ja dasto mañnel muddages njuolgudusaid addet.

Dat Ruotalaš,

gutte Kristianiast bači sloata ala, gavnjuvvui doaktarin mielatæbmen ja læ bigjum mielatemi-asyli.

Kaukasien

ja turkalaš Ucebasien rajid alde læk læmaš hirbmos ollo Judalažak ja Armenialažak sorbmijuvvum.

Garradalkke

læ daina manemus beivin dakkam stuora vahaga Amerikast.

Petersborgast

muittaluvvu, atte stuora betolašvuodak læ læmaš dam manemus soađest — namalassi Japanin. 200 miljon kruvna galggek dak ruošalaš soatthærrak læt vuollasæsek coggalam. Mærreduvvum læ dal, atte buokak dak hærrak, gæk soatteruđaid giettaguše, galggek rievte ouddi logõ dakkat.

700 hektolitar saltte fiervvai.

Okta gavppeolmai Tromsast, A. Aagaard, gæst læi hirbmos stuora salttepakhusa gavpugest, massi 700 hl. fiervvai daggo bokte, atte latte pakhusast dogjui ja buok saltte golgai fiervvai. Aido vebaš ožžu dam salttest oudalگو mærra bođi ja valdi.

Amerikast læk ain hæjos aigek bistemen. Blædek varrijek olbmuid boattemest dokko; dastgo i čajet buoranæbme mangešlai barggodoaimatusast. Vela biganieidaide læ dam dalve læmaš vaddes barggo oažžot.

Sameadnambivddo.

Bivddo Sameadnamest læ dam maneb aiggai læmaš vanes. Oarjanak borjastek bivddoverast bivddoverri, ja muttomak gaddest orrok, go i læk mikkege mæra alde. Mutto doavvo læ almaken buorre, atte bivddo fast algga.

Okta japanalaš soatteskipa

læ gieskad mannam ovta mina ala ja vuojoi dallanaga. 30 olbma gagjujuvvujegje, ja arvo mielde 200 duše.

Ædnamdoargastus ja gudna-arrve Siciliensullo alde.

Dat bæggalmas dollačollovarre Etna læ gieskad læmaš dollačollombargost. Dak lagamuš gavpugak læk dego mierkast gudna-arve diti.

Okta hanes olmai

læi fakkistaga jabmam, doavter, gutte galgai iskat jogo son duodai læi jabmam, oroi dego æppedæme. Mutto de bođi su biga ja celki: »Gæčaleket naketet ruđa su čorbmi, jos son i čarve dam ja nannoset dast giddadoala, de di su oažžobetet roakka havddadet.

Hallo bibal lokkat.

»Moft galgam mon,« jœrai okta studenta bibaldimost, »halo oažžot bibal lokkat?« »Mon addam dudnji buorre

rađe,« celki oapatægje, »ja dat læ: Loga bibala.«

Muttom sardnedægje,

gutte jođi, čoaggalmasaid doalai ja čokki ruđaid ovta mannasidi, ravkai muttom čoaggalmasast kollektta. Okta boares olmai, gutte læi læmaš statsministar, čuožželi bajas, vazželi sardnedægje lusa ja addi sudnji 10 kruvna. Dat boares sardnedægje illosi saggarak, doppi statsministara gieđa ja celki: »Ædnag, ædnag gito! Ibnel addaši statsministari likkolaš vuorasvuodda, audogas jabmem ja hærvas bajas-čuožžekemel« — »Ædnag gito buorre olbmačam,« celki statsministar, valdi fast bajas su lommagirjest ja fast addi 10 kruvna.

Bæssašmonek.

Boares aige læi dat vierro Europast, atte ustehidi ja verdidi bæssašidded skenkkit monid, ja dak goččujuvvujegje bæssašmonnen. Dam 16ad jakkečuodest algge olbmuk girjofallat ja malit monigaraid juokke lagaš govaiguim. Dak monek, maid Ludvik dat 15ad olgusjugi, legje hui koanstałažat malijuvvum. Frankrikast læk ain vuorkast 2 daina monin, maid Ludvik 15ad nieidda suiti.

Mannel heittujuvvujegje dak lundolaš monek ja adnui botte dasto sokkar- ja chokoladamonek, ja dalle ostujuvvujegje Parisa gavpugest juokke bæssačidi monek 2 miljon franca oudast sokkarmonek ja ovta miljon franca oudast chokoladamonek. Mutto dak halbes monek æi læin buokai miela mielde. Okta engelas lorda rakadatti muttom jage dastouddal Londonest ovta hirbmos stuora chokoladamone, mi galgai saddijuvvut su moarssai, ovta lulleafrikanalaš miljonæra niddi. Dat bæssašaddaldak i læm ucceb go 3 metar gukko ja 1½ metar alo, nuft atte olmuš burist mati čokkat stuolo alde dam mone siste. Dat monne devdujuvvui vitta čuođe kiloin sokkarnjalggaiguim (bonbonin), ja dam mone fievredæme diti ruovddemađestašoni ja mannel fast damppi rakaduvvujegje sierranas dasa heivolaš guoddemborak, maiguim 8 olbma galge dam guoddet. Duše dat monne bođi makset 9100 kruvna æreb fravta Lulleafrikai, mi maidai galle i mak-sam uccan.

Mutto mi dat dal duot monne

læi vel muttom æra mone ektoi, maid okta ruošalaš oaivvamuš skenkki bæssašaddaldakkan muttom fina Parisa rivggoi.

Muttom bæssašidded bođi okta stuora sirddemvavdno gessujuvvum 2 hæstast dam garddem uvsa ouddi, gost dat fina Pariserrivggo asai, ja vavno alde vællai okta hirbmos stuora monne muorast rakaduvvum ja birragissujuvvum maysolaš fløelin. Rivggo boenta suorggani go son dam oini, ige arvedam son algost, maid son daina addaldagain galgai dakkat; mutto de fuobmai son ovta uvsa dam mone alde, ja go son dam uvsa rabasti, de oini son atte siste læiga 2 hæsta oktan vuogjenbierrgasiguim ja vel okta olmai vuojetægjen. Ja gal son dasto didi, maid son daina monin galgai dakkat.

Okta divras šaldde

læ dal gærggam Amerikast. Dat læ okta dollavavno-šaldde, mi læ rakaduvvum Missouriđæno rasta North Dakotast. Dat hirbmos stuora šaldde læmaksam lakka bælguđad miljon kruvna ja 2 olbma hæga. Lakka 400 olbma læk dast barggam ija ja bæive 2 jage. Dam 21ad marts manai dat vuostas dollavavdno raiddo dam šalde bagjel.

Mirkotuvvum bierggo soaldatidi.

Okta telegramma Parisa gavpugest muittala, atte læ fuomašuvvum, atte dat bierggo, mi daidi franskalaš soaldatidi buktujuvvui, i læm mange lakai anetatte olmušbiebmon. Okta soatteoaivveolmai algi dam aše dutkat duodalažat. Son oažoi guoktasæ daina čiegos politiaim barggoolmajen algetet šlakteriaim, ja maid soai dobbeoiniga læi hirbmos. Dat oasse šlaktarvistin, gost dak buocce šivitak njuvvujuvvujegje, goččujuvvujegje juo almoset soaldat-girkkogardden. Go dak buocce šivitak legje njuvvujuvvum, de dak saddijuvvujegje garnisongavpugidi soaldatbiebmon. Mutto dak 2 čiegos politiaim buvtiga dam aše albma ja 5 šlaktara aresterijuvvujegjedalladaga. Buokak dak 5 legje Judałazak.

Hirbmos buollem Petersborgast,

Ruošaædnamest. Okta kanonfabrikka læ dobbe buollam, dat mavsi 800,000 kr. Oktibuok dagai dat buollem vahaga 30 miljon kruvna oudast.

»Nuorttanaste« čalle, prentejægje ja olgusadde læ G. F. Lund Sigerfjord, Vesteraalen.